

PLEIV SUMVITG

Lescha da taglia
dalla pleiv Sumvitg

I. Disposiziuns generalas

Art. 1 Object

La pleiv catolica Sumvitg incassescha las suandontas taglias tenor las disposiziuns dil dretg cantunal:

- a) ina taglia sin las entradas e sin la facultad,
- b) ina taglia supplementara ed ina taglia penal.

Art. 2 Dretg subsidiar

Aschinavon che questa lescha cuntegn buca reglaziuns, vegnan las disposiziuns dalla lescha davart taglias communalas e da baselgia sco era las leschas da taglia communal e cantunala applicadas conform lur senn.

II. Dretg material

Art. 3 Pei da taglia

¹ Las taglias sin las entradas e sin la facultad vegnan incassadas en pertschiens dalla taglia cantunala sempla.

² La radunanza dalla pleiv fixescha sil pli tard tochen la fin october il pei da taglia per igl onn fiscal suandont.

Art. 4 Subject da taglia

¹ Obligadas da pagar taglia ein tuttas persunas da confessiun catolica che appartegnan alla pleiv sco era tuttas persunas da quella confessiun che habiteschan ordeifer il territori dalla pleiv e ch'ein obligadas limitadamein da pagar taglia tenor il dretg cantunal en la pleiv.

² L'obligaziun da pagar taglia sedrezza ton tenor l'appartenenza ecclesiastica dallas singulas persunas ch'ein obligadas da pagar taglia alla fin dalla perioda fiscala ni alla fin dall'obligaziun da pagar taglia, sco era tenor las disposiziuns dalla lescha cantunala da taglia.

³ En lètgs, nua ch'ils conjugals appartegnan a differentas confessiuns, ston ils facturs totals vegnir reparti mintgamai per la mesada sin omisdus conjugals.

III. Dretg formal

Art. 5 Autoritads

¹ L'execuziun da questa lescha schai en cumpetenza – cun resalva dall' alinea 2 – dallas autoritads ch'ein incumbensadas cun l'execuziun dallas taglias communalas corrispudentas.

² Davart l'obligaziun subjectiva da pagar taglia decida la suprastonza dalla pleiv.

Art. 6 Scadenza ed incassament

¹ Las taglias da baselgia scadan ensemen cun las taglias communalas.

² Ellas ston vegnir pagadas ensemen cun las taglias communalas.

IV. Disposiziuns finalas

Art. 7 Entrada en vigur

¹ Questa lescha va en vigur cun igl 1. da schaner 2017.

² Cull'entrada en vigur da questa lescha ein tuttas disposiziuns che stattan en cuntradicziun cun quella abolidas.

Approbada dalla radunanza constitutiva dils 22 da november 2016.

Per la pleiv transitoria Sumvitg

Il president

Igl actuar